



Administrativna komisija

Broj: 04-GV-04-1546/23
Sarajevo, 20.10.2023. godine

ZAPISNIK O RADU
58. SJEDNICE ADMINISTRATIVNE KOMISIJE ZAJEDNIČKE SA
KOMISIJOM ZA STATUT I AKTE
GRADSKOG VIJEĆA GRADA SARAJEVA
održane 20.10.2023. godine

Prisutni – Administrativna komisija:

1. Lajla Čosović po ovlaštenju umjesto Jasmina Ademovića, predsjedavajućeg
2. Alen Girt, član
3. Srđan Simonović, po ovlaštenju umjesto Vedada Deljkovića, člana
4. Bajro Biber, član
5. Drago Jurić, član
6. Muamer Mekić, po ovlaštenju umjesto Dragana Stevanovića, člana
7. Toni Vukadin, član

Prisutni – Komisija za Statut i akte

1. Toni Vukadin, predsjedavajući,
2. Dženan Tikveša, zamjenik predsjedavajućeg
3. Muamer Mekić, član
4. Alma Čengić, članica
5. Adi Škaljić, član
6. Drago Jurić, član
7. Bajro Biber, član
8. Selvira Vilić, članica

Odsutan: Vedran Dodik, član

Sjednici iz Stručne službe za poslove Gradskog vijeća Grada Sarajeva prisustvuju:

- Mirjana Đanović-Stanić, rukovodilac Stručne službe Gradskog vijeća
- Mila Eminović, sekretar Gradskog vijeća

Sjednici prisustvuju:

- Admir Jusufbegović, Pravobranilac Pravobranilaštva Grada Sarajeva
- Merima Arifhodžić, pomoćnica Gradonačelnice za urbano planiranje, investicije, stambene i komunalne poslove

Predsjedavajući sjednicom je otvorio sjednicu u 14.30 sati, pozdravio prisutne, utvrdio kvorum za punovažan rad i odlučivanje.

Poslije sažetka Predsjedavajućeg sjednicom, jednoglasno je usvojen sljedeći **dnevni red**:

1. Utvrđivanje prijedloga zaključka u povodu razmatranja Informacije o relaizaciji Odluke o pristupanju projektu osnivanja naučno-istraživačke infrastrukture „Tech4Green“
2. Tekuća pitanja



TAČKA 1.

Utvrđivanje prijedloga zaključka u povodu razmatranja Informacije o realizaciji Odluke o pristupanju projektu osnivanja naučno-istraživačke infrastrukture „Tech4Green“

Uvodno izlaganje je podnio Pravobranilac Pravobranilaštva Grada Sarajeva.

Pravobranilac je predložio prijedlog zaključka koji je u prilogu ovog akta i konstatovao da ukoliko se usvoji tako predložen zaključak, Grad Sarajevo ne može pretrpiti nikakvu štetu u povodu usvajanja takvog zaključka.

Poslije rasprave u kojoj su učestvovali članovi komisija, te sažetka Predsjedavajućeg sjednicom, komisije su sa 10 glasova „za“ i jednim „suzdržanim“ glasom donijele sljedeći **zaključak**:

Administrativna komisija zajedno sa Komisijom za Statut i akte, u povodu razmatranja Informacije o realizaciji Odluke o pristupanju projektu osnivanja naučno-istraživačke infrastrukture „Tech4Green“, utvrđuje prijedlog zaključka kako je predložio Pravobranilac i upućuje Gradskom vijeću na razmatranje, i to:

1. Nalaže se Upravi Javnog preduzeća za upravljanje, zaštitu i održavanje objekata Grada Sarajeva i obavljanje komunalnih djelatnosti od javnog interesa Grada Sarajeva "Sarajevo" društvo sa ograničenom odgovornošću (skraćeno: JP Sarajevo d.o.o.), da, po potrebi u saradnji sa Pravobranilaštvom Grada Sarajeva, poduzme aktivnosti u cilju raskida Ugovora o izvođenju radova izgradnje poslovnog objekta na mjestu porušenog hotela i radova vanjskog uređenja parcele na lokalitetu „Vidikovac-Trebević“ broj: 01/04-14-4350-6/19 od 25.07.2019. godine, a kojem je JP „Sarajevo“ d.o.o. pristupilo temeljem Ugovora o ustupanju Ugovora o izvođenju radova izgradnje poslovnog objekta na mjestu porušenog hotela i radova vanjskog uređenja parcele na lokalitetu „Vidikovac-Trebević“ od 25.09.2019. godine, zaključenog između Grada Sarajeva, društva UNIGRADNJA d.d. Sarajevo i JP „Sarajevo“ d.o.o., kao i aktivnosti u cilju raskida (dva) 2 dodatno zaključenja ugovora, i to: Ugovora o izvođenju naknadnih i nepredviđenih radova na izgradnji hotela „Vidikovac-Trebević“ br. 03-2-217/20 od dana 09.03.2020. godine i Ugovora o izvođenju naknadnih i nepredviđenih radova na izgradnji hotela „Vidikovac-Trebević“ br. 03-2-1617/20 od 30.06.2020. godine, a sve u cilju stvaranja uslova za realizaciju tačaka 2. i 3. ovog zaključka.
2. Zadužuje se JP „Sarajevo“ d.o.o. da, po potrebi u saradnji sa Pravobranilaštvom Grada Sarajeva, poduzme potrebne mjere i aktivnosti kako bi se po raskidanju ugovora iz tačke 1. ovog zaključka, obezbjedio nesmetan posjed nad gradilištem objekta „Vidikovac-Trebević“, a s ciljem nastavka gradnje.
3. Zadužuje se JP „Sarajevo“ d.o.o. da po realizaciji tačaka 1. i 2. ovog zaključka, odnosno da po preuzimanju posjeda nad objektom Vidikovac, isti preda u posjed Gradu Sarajevo kao vlasniku, te se zadužuje gradonačelnica Grada Sarajeva da, u skladu sa Odlukom o pristupanju Projektu osnivanja naučno-istraživačke infrastrukture „Tech4Green“, putem odgovarajućeg postupka, ugovori izvođenje potrebnih radova za ishodovanje odobrenja za upotrebu objekta.

TAČKA 2.

Tekuća pitanja

Pod ovom tačkom dnevnog reda nije bilo zaključaka.

PREDSJEDAVALJUĆI SJEDNICOM

Toni Vukadin, predsjedavajući Komisije za Statut i akta, s.r.

Predsjedavajući sjednicom je u 15:00 sati zaključio rad 58. sjednice Administrativne komisije zajedničke s Komisijom za Statut i akte Gradskog vijeća Grada Sarajeva.